

Resolución reitoral pola que se convocan bolsas de formación en centros de investigación dirixidas ao estudantado da Universidade de Vigo para o curso 2026/2027.

O estudantado da Universidade de Vigo, de conformidade co establecido no artigo 64.h dos Estatutos da Universidade de Vigo, ten dereito a beneficiarse das distintas axudas e bolsas que a universidade e outras institucións establezan ao seu favor, coa finalidade de que ninguén quede excluído do estudo por razóns económicas.

A Universidade de Vigo, de acordo co disposto no artigo 72 dos citados estatutos, poderá ofrecerlle ao seu estudantado bolsas de formación complementaria para desenvolver actividades que contribúan á súa formación integral.

Unha vez vista a *Lei 9/2007 de subvencións de Galicia*, as disposicións aplicables da *Lei 38/2003 do 17 de novembro, xeral de subvencións* e as súas normativas de desenvolvemento.

En virtude das facultades que lle outorgan a *Lei orgánica 2/2023*, de 22 de marzo, do Sistema Universitario e o artigo 72 do *Decreto 13/2019 do 24 de xaneiro*, polo que se aprobaron os estatutos desta universidade,

ESTA REITORÍA RESOLVE

1. Convocar, en réxime de concorrencia competitiva, **7 bolsas** de formación complementaria en centros de investigación que serán xestionadas de acordo coas bases reguladoras que figuran no anexo I.
2. Publicar esta convocatoria e as bases que a regulan no taboleiro da sede electrónica sede.uvigo.gal/ e no [Portal de bolsas](#) da web da Universidade de Vigo.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados desde o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer un recurso contencioso-administrativo namentres non recaia unha resolución expresa ou presunta do recurso de reposición, de acordo co disposto no artigo 123.2 da *Lei 39/2015 do 1 de outubro, do procedemento administrativo común das administracións públicas*.

Vigo, na data da sinatura electrónica

A reitora

Por delegación RR 02/07/2026 (DOG 08/07/2026)

A vicerreitora de Estudiantes e Vida Universitaria

María Dolores González Álvarez



ANEXO I

BASES DA CONVOCATORIA DA BOLSA DE FORMACIÓN EN CENTROS DE INVESTIGACIÓN

1. OBXECTO

A presente convocatoria está prevista no Plan Estratéxico de Subvencións da Universidade de Vigo como acción destinada ao cumprimento do obxectivo “desenvolver programas formativos conxuntos coas empresas e coas institucións que melloren a empregabilidade do estudantado”, a través de fomentar unha mellor formación teórica e práctica do estudantado, colaborando, en réxime de compatibilidade cos seus estudos, en actividades cunha forte compoñente de aprendizaxe e adquisición de novas capacidades e destrezas directamente vinculadas á titulación en que se matricula.

Convócanse **7** bolsas distribuídas do seguinte xeito:

- Campus de Ourense:
 - 1 bolsa no Centro de Investigación, Transferencia e Innovación (CITI)
- Campus de Vigo:
 - 3 bolsas no Centro de Investigación Mariña (CIM-ECIMAT)
 - 1 bolsa no Centro de Investigacións en Nanomateriais e Biomedicina (CINBIO)
 - 1 bolsa no Centro de Investigación CINTECX
 - 1 bolsa na Cátedra R

2. REQUISITOS DAS PERSOAS SOLICITANTES

Poderá solicitar a bolsa o estudantado que cumpra os seguintes requisitos:

- a) Atoparse nalgún dos seguintes casos:
 - Posuír nacionalidade española.
 - Posuír a nacionalidade dun estado membro da Unión Europea e acreditar a condición de residente legal.
 - Posuír nacionalidade extracomunitaria e acreditar a residencia legal en España, de acordo co disposto na normativa sobre dereitos e liberdades dos estranxeiros en España (non é suficiente o permiso de estadía por estudos).
- b) Estar matriculado/a na Universidade de Vigo en centros propios no curso 2026/2027 e durante todo o período de duración da bolsa, nas titulacións de grao ou máster universitario sinaladas no anexo II, no campus en que se opta á bolsa. Para estes efectos terase en conta o estado da matrícula a día 14 de setembro de 2026.
- c) No caso de matrícula en Grao ter superados o 50% dos créditos dos estudos de Grao nos que se matricula. Para estes efectos terase en conta o último día establecido pola universidade para presentar as actas de xullo que segundo o calendario académico é o 20 de xullo.
- d) Cumprir os demais requisitos específicos sinalados no anexo II. Para estes efectos terase en conta que o último día establecido pola universidade para presentar as actas de xullo segundo o calendario académico é o 20 de xullo de 2026.
- e) Non gozar con anterioridade dunha bolsa de formación complementaria da Universidade de Vigo durante máis de doce meses, de forma consecutiva ou discontinua. O cómputo do tempo farase de data a data.



Non poderán ter a condición de beneficiarias as persoas nas cales concorra algunha das circunstancias establecidas no artigo 13.2 da *lei 38/2003 do 17 de novembro, xeral de subvencións*.

3. PLAN FORMATIVO

- a) Obxectivos e competencias que se adquirirán: consonte ao sinalado no anexo II.
- b) Tutores/as responsables:
As persoas bolseiras estarán baixo a tutoría das persoas sinaladas no anexo II, as cales se responsabilizarán da formación impartida, do desempeño da actividade de colaboración e da orientación no desenvolvemento do plan formativo.
- c) Seguimento e avaliación da formación:

A persoa bolseira deberá entregarlle á persoa titora unha memoria trimestral das actividades realizadas e unha memoria final de acordo co establecido no punto 10 desta convocatoria. Así mesmo deberá cubrir ao final do período formativo un cuestionario de satisfacción co programa realizado.

4. INCOMPATIBILIDADES

Esta bolsa será incompatible con calquera relación laboral ou administrativa pola que se perciban retribucións a cargo dalgúna entidade pública ou privada, así mesmo, é incompatible coa prestación ou co subsidio por desemprego.

Tamén será incompatible con calquera outra bolsa de formación complementaria convocada por calquera entidade pública ou privada para o mesmo período, e entre elas coa bolsa de colaboración cos departamentos universitarios do MEFPD e do Goberno Vasco.

5. DURACIÓN E DESENVOLVEMENTO DO PERÍODO FORMATIVO

1. A duración máxima do período formativo será de 9 meses, e non se iniciará antes do **1 de novembro de 2026 rematando o 31 de xullo de 2027. (Cátedra R duración máxima 5 meses)**
2. O número de horas de colaboración será de **15 horas semanais** as cales realizaranse tendo en conta os períodos lectivos e non lectivos do curso académico e a carga lectiva da persoa bolseira, quen poderá distribuír e compensar ata un 20% das horas de dedicación dun mes entre distintas semanas dentro do mesmo mes.
3. O desfrute da bolsa suporá a aceptación do previsto no *Real decreto 1493/2011, do 24 de outubro*, polo que se regulan os termos e as condicións de inclusión no réxime xeral da Seguridade Social das persoas que participen en programas de formación.

As persoas bolseiras non adquiriran ningunha relación contractual, administrativa ou estatutaria coa Universidade de Vigo.

A bolsa non suporá ningún compromiso de cara á posterior incorporación das persoas bolseiras aos cadros de persoal da universidade.

O período de prestación destas bolsas poderá ser obxecto de recoñecemento de créditos en virtude do disposto na Universidade de Vigo.



6. DOTACIÓN, CONTÍA E PAGAMENTO

1. Os fondos destinados a estas bolsas ascenden a un máximo de **24.341,04€** (a expensas dos posibles incrementos da cota patronal que se podan producir ao longo do período de execución das bolsas), por conta das seguintes aplicacións orzamentarias:

- **CITI**
 - 2026 CITI 131H 482.11: 825,12€ (800€ pola dotación bruta das bolsas e 25,12€ en concepto de cota patronal).
 - 2027 CITI 131H 482.11: 2.887,92€ (2.800€ pola dotación bruta das bolsas e 87,92€ en concepto de cota patronal).
- **CINBIO**
 - 2026 CIB1 131H 482.11: 825,12€ (800€ pola dotación bruta das bolsas e 25,12€ en concepto de cota patronal).
 - 2027 CIB1 131H 482.11: 2.887,92€ (2.800€ pola dotación bruta das bolsas e 87,92€ en concepto de cota patronal).
- **CIM**
 - 2026 CIM1 131H 482.11: 2.475,36€ (2.400€ pola dotación bruta das bolsas e 75,36€ en concepto de cota patronal).
 - 2027 CIM1 131H 482.11: 8.663,76€ (8.400€ pola dotación bruta das bolsas e 263,76€ en concepto de cota patronal).
- **CINTECX**
 - 2026 CTX1 131H 482.11: 825,12€ (800€ pola dotación bruta das bolsas e 25,12€ en concepto de cota patronal).
 - 2027 CTX1 131H 482.11: 2.887,92€ (2.800€ pola dotación bruta das bolsas e 87,92€ en concepto de cota patronal).
- **CÁTEDRA R**
 - 2026 0000 121D 482.11: 825,12€ (800€ pola dotación bruta e 25,12€ en concepto de cota patronal).
 - 2027 0000 121D 482.11: 1.237,68 (1.200 € pola dotación bruta e 37,68 € en concepto de cota patronal).

para o que se achega o correspondente certificado de existencia de crédito.

2. A dotación económica bruta será como máximo 400 €/mes, e estará suxeita á retención establecida na normativa tributaria aplicable e ás obrigas de cotización á seguridade social (cota obreira) que estableza a normativa vixente nesta materia.

3. O pagamento realizarase por meses vencidos mediante unha transferencia á conta bancaria en España que sinala a persoa beneficiaria da bolsa na súa solicitude e da que deberá ser titular.

No caso de que non chegase a completarse o período da bolsa só se aboará a contía proporcional da bolsa correspondente ao período realizado, sempre e cando este sexa superior a 15 días; no caso contrario non se percibirá contía algunha.



Se a actividade desenvolva pola persoa bolseira en cada mes non se corresponde coas condicións fixadas nesta convocatoria, e co fin de adecuar o pagamento á actividade real realizada nese mes, a persoa titora deberá emitir un informe no cal constará a actividade realizada e achegaráo á Sección de Axudas e Bolsas antes do día 25 do mes en curso. No caso de non ter realizado ningunha das horas de dedicación nunha semana deberá notificalo inmediatamente á Sección de Axudas e Bolsas.

7. PRESENTACIÓN DE SOLICITUDES E DOCUMENTACIÓN

1. As persoas solicitantes deberán empregar o **formulario en liña** no seguinte enlace https://secretaria.uvigo.gal/uv/web/formularios/encuesta/cubrir_paso1/15448, **descargalo e presentalo na sede electrónica** da Universidade de Vigo (<https://sede.uvigo.gal>) a través da instancia xenérica (SXER) existente na sede. No **asunto** indicará “*Bolsas formación Centros de Investigación*” e achegará unicamente o formulario coa solicitude. Só se poderá presentar unha solicitude por persoa.

O modelo específico de presentación de solicitudes é de uso obrigatorio para as persoas interesadas neste procedemento (art. 66.6 da *Lei 39/2015 do 1 de outubro, do procedemento administrativo común das administracións públicas*). Se algunha das persoas interesadas presentara a súa solicitude de xeito presencial, solicitaráselle que a presente de xeito electrónico.

2. O prazo de presentación das solicitudes comezará o día seguinte de publicarse esta convocatoria, rematando o **2 de setembro de 2026** ás 23:59 horas (hora peninsular española).

3. As persoas solicitantes establecerán unha orde de prioridade nas bolsas que será vinculante.

4. Xunto coa solicitude deberán subir, de ser o caso, a seguinte documentación ao formulario en liña (non haberá que subir a documentación á sede electrónica):

- Certificación académica dos estudos realizados no caso de que se realizasen nunha universidade distinta á de Vigo.
- Documentación acreditativa dos méritos alegados.
- No caso de estudantado comunitario deberá presentar documento do Rexistro de cidadán/á da Unión Europea.
- No caso de estudantado fóra da EU deberá presentar a tarxeta de identificación de estranxeiro/a na que conste o permiso de residencia (non será suficiente co permiso de estadía por estudos).
- No caso de estudantado procedente do sistema de protección á infancia e adolescencia deberá presentar certificado expedido polo órgano competente da comunidade autónoma.

Tamén se lles poderá requirir que acheguen outra documentación que resulte necesaria para a correcta avaliación dos requisitos e dos méritos alegados, o feito de non achegar a documentación requirida será causa de exclusión, previa resolución.

8. SELECCIÓN E RESOLUCIÓN

1. A Sección de Axudas e Bolsas, logo de rematar o prazo de presentación de solicitudes e unha vez examinadas estas e a documentación presentada, publicará a **listaxe provisoria de solicitudes admitidas e excluídas**, coa mención da causa de exclusión.



As persoas interesadas disporán dun prazo de **cinco días hábiles** contados desde o día seguinte á publicación para emendar os erros, a falta de documentación e as causas de exclusión e para tal fin deberán empregar o **formulario de alegacións** existente na secretaría virtual. De non presentar a emenda entenderase que desiste da súa solicitude tras resolución ditada conforme a *Lei 39/2015 do 1 de outubro, do procedemento administrativo común das administracións públicas*.

2. Unha vez revisadas as alegacións, a selección será efectuada pola comisión de avaliación de acordo cos seguintes criterios:

- a) Nota media do expediente académico: **máximo 6 puntos**
 - i. Para estudantado de continuación de estudos de grao e de máster universitario de mais de 60 créditos nota media do expediente académico segundo se recolle no RD 1125/2003.
 - ii. Para o estudantado de inicio de estudos de máster universitario nota de acceso.

Ao estudantado procedente do sistema de protección á infancia e adolescencia sumaráselle **2 puntos** a súa nota media.

- b) Nivel de inglés: acreditado mediante ([certificados recoñecidos por ACLES](#)) (so puntúa o nivel superior): **máximo 2 puntos**

A2: 0,5	B1: 0,75	B2: 1	C1: 1,5	C2: 2
---------	----------	-------	---------	-------

- c) Cursos de formación relacionados co plan formativo: **máximo de 2 puntos**.
- d) Ao estudantado que teña concedida no curso 2025/2026 unha bolsa MEFPD/GOBERNO VASCO ou "Axudas ao estudo propias da UVigo" concederáselle **1 punto adicional**.

A Sección de Axudas e Bolsas consultará os méritos referidos ao expediente académico da propia universidade. Dos restantes méritos só se terán en conta os que se acrediten con documentación xunto coa solicitude ou no prazo de emenda.

3. A comisión de avaliación está composta por:

Presidenta: Dolores González Álvarez, vicerreitora de Estudiantes e Vida universitaria

Vogais: Damián Costas Costas, director da ECIMAT

Miguel Ángel Correa Duarte, director do CINBIO

Javier Rodeiro Iglesias, director do CITI

Ángeles Sanromán Braga, directora do CINTECX

Ana Fernández Vilas, catedrática do Departamento de Enxeñaría Telemática

A comisión poderá convocar con voz e sen voto a outras persoas expertas que considere conveniente para a adecuada avaliación das solicitudes.

Se por calquera causa, no momento en que a comisión avaliadora tivera que examinar as solicitudes, algún/algúnha dos/das compoñentes non puidese/n asistir, substituirase pola persoa que para o efecto se nomee, o cal deberá recaer noutra persoa da mesma unidade, órgano, entidade ou colectivo.



4. Unha vez que a comisión efectúe a selección, a Sección de Axudas e Bolsas publicará a **listaxe provisoria de persoas con bolsa concedida, denegada** coa mención da causa de denegación, e a **listaxe de agarda** para o caso de existir renuncias.

No caso de non adxudicárselle ningunha das opcións solicitadas a persoa solicitante pasará a formar parte da listaxe de agarda coa puntuación que lle corresponda.

As persoas interesadas poderán presentar alegacións no prazo de **cinco días hábiles** contados a partir do día seguinte ao de publicación e para tal fin deberán empregar o **formulario de alegacións** existente na secretaría virtual.

Unha vez que a comisión revise as alegacións enviaralle a proposta á Vicerreitora de Estudiantes e Vida Universitaria quen adxudicará as bolsas mediante a correspondente resolución.

As persoas interesadas poderán entender desestimadas as solicitudes se non se dita unha resolución expresa no prazo de tres meses contados desde o día seguinte ao do remate do prazo de presentación de solicitudes.

A resolución conterá a listaxe definitiva de persoas con bolsa concedida e a súa contía, a listaxe de persoas con bolsa denegada e a causa de denegación, e a listaxe de agarda para o caso de existiren renuncias.

As listaxes ás que se refire este punto así como a resolución da adxudicación publicaranse no taboleiro da sede electrónica sede.uvigo.gal/ e no [portal de bolsas](#) da web da universidade, producindo os efectos da notificación de conformidade co artigo 45 da *Lei 39/2015, do 1 de outubro, do procedemento administrativo común das administracións públicas*.

As comunicacións individuais que resulten necesarias realizaranse ao enderezo electrónico sinalado na solicitude, sen que estas teñan a consideración de notificación.

9. ACEPTACIÓN E RENUNCIA

1. As persoas con bolsa concedida deberán aceptar a bolsa no prazo de cinco días dende o seguinte ao da publicación de adxudicación, utilizando o formulario existente na secretaría virtual para tal efecto ([formulario aceptacion](#)).

A non aceptación entenderase como renuncia á bolsa previa resolución, coa conseguinte perda de dereito de cobro e concesión da bolsa á seguinte persoa da lista de agarda previa resolución.

2. A persoa bolseira presentarse no lugar, día e hora que lle indique a persoa titora mediante unha comunicación ao enderezo electrónico indicado na solicitude.

3. A renuncia voluntaria deberá realizarse mediante o **formulario de renuncia** existente na Secretaría Virtual ([formulario renuncia](#)) e presentado na sede electrónica da Universidade de Vigo <https://sede.uvigo.gal> dirixido á Sección de Axudas e Bolsas e o titor/a, cun mínimo de 5 días de antelación á data en que se fará efectiva a renuncia. A renuncia dará lugar á perda dos dereitos económicos correspondentes á parte da bolsa non realizada e á concesión da bolsa á seguinte persoa da listaxe de agarda previa resolución.



10. OBRIGAS

Serán obrigas das persoas bolsieras:

1. Realizar, baixo a supervisión do titor/a, a actividade formativa e o plan formativo de xeito presencial conforme ao establecido na convocatoria.
2. Estar matriculada na Universidade de Vigo durante todo o período de duración da bolsa.
3. Achegar á Sección de Bolsas e Axudas ao Estudo, dentro do mes seguinte á finalización da bolsa, unha memoria final das actividades realizadas durante todo o período da bolsa ([enlace memoria](#)). Esta memoria debe estar informada favorablemente pola persoa titora.
4. Comunicar á Sección de Axudas e Bolsas a obtención de axudas da mesma natureza e finalidade.

Ademais a persoa beneficiaria deberá cumprir as obrigas recollidas no artigo 14.1 da *Lei 38/2013 do 17 de novembro, xeral de subvencións*, que lle sexan de aplicación.

11. REINTEGRO DAS AXUDAS E PERDA DO DEREITO DE COBRO TOTAL OU PARCIAL

Serán causas de reintegro destas bolsas:

1. Non cumprir os requisitos e obrigas recollidas na convocatoria.
2. Ocultar datos, alteralos ou manipular a información solicitada.
3. Incurrir nalgunha das causas de incompatibilidade establecidas nesta convocatoria.

A persoa beneficiaria que incorra nalgunha destas causas, estará obrigada a reintegrarlle á universidade a cantidade indebidamente percibida.

12. TRANSPARENCIA

1. De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007 do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que se puidesen impoñer, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrarlle á Universidade de Vigo, logo do requirimento, toda a información necesaria para cumprir por aquela as obrigas previstas no título I da citada lei. Porén, non será necesaria a publicación cando o órgano que concede xulgue que se dan as previsións do artigo 15.2.d) da *Lei 9/2007 do 13 de xuño, de subvencións de Galicia*.

13. PROTECCIÓN DE DATOS

Información sobre a política de protección de datos en:

<https://www.uvigo.gal/sites/uvigo.gal/files/contents/paragraph-file/2019-11/Texto %20proteccion datos para CONVOCATORIAS bolsas.pdf>



ANEXO II
BOLSAS CONVOCADAS

CAMPUS DE OURENSE

Unidade	CITI
Tipo bolsa	Analista/programador – 1 bolsa
Obxectivos e competencias que se adquirirán	Competencias que se adquirirán: - Definición e mantemento de información en forma de repositorios estruturados e ampliables do coñecemento e información de contacto e relación coas empresas. - Mantemento do catálogo de servizos e asesoramento I+D+i que ofrece o CITI. - Mantemento da seguridade da información e das comunicacións nos repositorios e soportes de copia de seguridade. - Xestión dos rexistros de actuacións con entidades públicas e privadas e da documentación relacionada. - Desenvolvemento de ferramentas e técnicas precisas para manter toda a información e procesos dispoñibles e seguros en todo momento.
Requisitos específicos	Estar matriculado/a en: ○ Grao en Enxeñaría Informática ○ Máster Universitario en Enxeñaría Informática
Titor/a	Javier Rodeiro Iglesias, director do CITI
Dedicación	15 horas semanais Horario a determinar tendo en conta ás obrigas académicas da persoa beneficiaria da bolsa



CAMPUS VIGO

Unidade	CINBIO
Tipo bolsa	Citometría de fluxo – 1 bolsa
Obxectivos e competencias que se adquirirán	Competencias que se adquirirán: - Coñecementos técnicos. - Desenvolver a habilidade práctica nun centro de investigación. - Desenvolver a habilidade práctica nun laboratorio de citometría de fluxo. - Ser capaz de deseñar experimentos aplicando os coñecementos técnicos aprendidos para responder á pregunta de partida. - Analizar, interpretar resultados e formular conclusións.
Requisitos específicos	Estar matriculado/a en: - o Máster Universitario en Bioloxía Mariña - o Máster Universitario en Oceanografía - o Máster Universitario en Biotecnoloxía Avanzada - o Máster Universitario en Neurociencia - o Máster Universitario en Enxeñaría Biomédica - o Máster Universitario en Xenómica e Xenética - o Máster Universitario en Biofabricación
Titor/a	Mercedes Peleteiro Olmedo, responsable do servizo de Citometría
Dedicación	15 horas semanais Horario a determinar atendendo ás obrigas académicas da persoa beneficiaria.

Unidade	CIM-ECIMAT
Tipo bolsa	Medio mariño – 1 bolsa
Obxectivos e competencias que se adquirirán	Competencias que se adquirirán: - Desenvolver a habilidade práctica nun centro de investigación. - Adquirir coñecementos técnicos sobre actividades científicas que teñan lugar no medio mariño.
Requisitos específicos	Estar matriculado/a en: - o Máster Universitario en Bioloxía Mariña - o Máster Universitario en Oceanografía - o Máster Universitario en Acuicultura - o Máster Universitario en Biotecnoloxía Avanzada
Titor/a	Damián Costas Costas, director da ECIMAT
Dedicación	15 horas semanais Horario a determinar tendo en conta ás obrigas académicas da persoa beneficiaria da bolsa



Unidade	CIM-ECIMAT
Tipo bolsa	Cultivos mariños – 1 bolsa
Obxectivos e competencias que se adquirirán	Competencias que se adquirirán: - Desenvolver a habilidade práctica nun centro de investigación. - Adquirir coñecementos técnicos sobre as técnicas de cultivo e a mantenza de organismos mariños.
Requisitos específicos	Estar matriculado/a en: ○ Grao en Bioloxía ○ Grao en Ciencias do Mar ○ Máster Universitario en Bioloxía Mariña ○ Máster Universitario en Oceanografía ○ Máster Universitario en Acuicultura ○ Máster Universitario en Biotecnoloxía Avanzada
Titor/a	Damián Costas Costas, director da ECIMAT
Dedicación	15 horas semanais Horario a determinar tendo en conta ás obrigas académicas da persoa beneficiaria da bolsa

Unidade	CIM-ECIMAT
Tipo bolsa	Calidade ambiental mariña e histoloxía – 1 bolsa
Obxectivos e competencias que se adquirirán	Competencias que se adquirirán: - Desenvolver a habilidade práctica nun centro de investigación. - Adquirir coñecementos técnicos sobre o procesado histolóxico de tecidos e a calidade ambiental mariña.
Requisitos específicos	Estar matriculado en: ○ Grao en Bioloxía ○ Grao en Ciencias do Mar ○ Máster Universitario en Bioloxía Mariña ○ Máster Universitario en Oceanografía ○ Máster Universitario en Acuicultura ○ Máster Universitario en Biotecnoloxía Avanzada
Titor/a	Damián Costas Costas, director da ECIMAT
Dedicación	15 horas semanais Horario a determinar tendo en conta ás obrigas académicas da persoa beneficiaria da bolsa



Unidade	CINTECX
Tipo bolsa	Xestión de proxectos de I+D+i e apoio á planificación estratéxica – 1 bolsa
Obxectivos e competencias que se adquirirán	Competencias que se adquirirán: • Coñecemento do funcionamento organizativo dun centro de investigación universitario. • Apoio na xestión administrativa e técnica de proxectos de I+D+i. • Seguimento de convocatorias autonómicas, nacionais e europeas de financiamento. • Apoio na preparación de documentación para solicitudes e xustificacións de proxectos. • Elaboración de memorias, informes de seguimento e indicadores de actividade científica. • Xestión e actualización de bases de datos internas do centro. • Desenvolvemento de competencias en planificación, organización e control de proxectos. • Apoio na coordinación entre persoal investigador e unidades administrativas.
Requisitos específicos	Requisitos específicos: Estar matriculado/a nalgunha das seguintes titulacións oficiais da Universidade de Vigo: • Grao en Enxeñaría de Organización Industrial • Grao en Enxeñaría en Tecnoloxías Industriais • Grao en Enxeñaría Química • Grao en Administración e Dirección de Empresas • Grao en Economía • Grao en Enxeñaría dos Recursos Mineiros e Enerxéticos • Grao en Enxeñaría Eléctrica • Grao en Enxeñaría Mecánica • Grado en Relaciones Laborales y Recursos Humanos • Máster Universitario en Enxeñaría de Minas • Máster Universitario en Enxeñaría Industrial • Máster Universitario en Fabricación Aditiva • Máster Universitario en Administración Integrada de Empresas y Responsabilidad Social Corporativa Valorarase: • Nivel acreditado de inglés. • Manexo avanzado de ferramentas ofimáticas e follas de cálculo. • Coñecemento básico do sistema de financiamento público da I+D+i.
Titor/a	María Ángeles Sanromán Braga, directora do CINTECX
Dedicación	15 horas semanais Horario a determinar tendo en conta ás obrigas académicas da persoa beneficiaria da bolsa



Unidade	CÁTEDRA R
Tipo bolsa	Bolsa de formación complementaria na Cátedra R en Ciberseguridade – 1 bolsa
Obxectivos e competencias que se adquirirán	Competencias que se adquirirán: • Capacidade para analizar problemas técnicos complexos e propoñer solucións innovadoras orientadas á seguridade, eficiencia e escalabilidade. • Traballo en equipo en contornos multidisciplinares e colaboración con equipos técnicos da compañía. • Xestión completa dun proxecto tecnolóxico: análise, deseño, implementación, validación e documentación. • Comunicación clara e eficaz de resultados técnicos a distintos perfís profesionais.
Requisitos específicos	Estar matriculado/a na Universidade de Vigo en: a) Grao en Enxeñaría de Tecnoloxías de Telecomunicacións b) Máster universitario en Enxeñaría de Telecomunicación c) Máster universitario en Ciberseguridade
Titor/a	Ana Fernández Vilas, catedrática do Departamento de Enxeñaría Telemática
Dedicación	15 horas semanais Horario a determinar tendo en conta ás obrigas académicas da persoa beneficiaria da bolsa

